

DEWAN NEGARA

ATURAN URUSAN MESYUARAT

HARI SELASA, 14HB APRIL, 1981, PUKUL, 2.30 PETANG

Bil. 2 _____1

PERTANYAAN-PERTANYAAN BAGI JAWAB MULUT

***1. Tuan Loh Kee Peng** minta Menteri Kesihatan memberitahu bilakah Kementerianannya dapat membentuk satu pasukan penyenggara (maintenance corp) yang khusus bagi Hospital Besar Melaka yang akan dapat memperbaiki sebarang kerosakan kepada lif-lif, perkakas-perkakas dan sebagainya dengan serta-merta tanpa merujukkan kepada Jabatan Kerja Raya untuk membaikinya.

***2. Tuan Alexander Lee** minta Menteri Buruh dan Tenaga Rakyat menyatakan:

(a) apakah kadar yang sepatutnya antara pekerja-pekerja mahir dan separuh mahir di Malaysia sekarang; dan

(b) adakah Kerajaan sedar akan adanya pekerja-pekerja separuh mahir di negara ini. Jika sedar, apakah langkah yang diambil oleh Kerajaan untuk memperbaiki keadaan ini selaras dengan kehendak pembangunan negara di bawah Rancangan Malaysia Keempat dan Kelima.

***3. Tuan Ismail bin Hashim** minta Perdana Menteri menyatakan apakah sebabnya Jabatan Odit Negara mengambil masa yang begitu lama untuk mengodit laporan Kewangan satu-satu Jabatan Kerajaan Negeri atau agensi-agensi Kerajaan.

***4. Datuk Haji Mahmoud Salim bin Haji Mohamad** minta Menteri Luar Negeri menyatakan sama ada Negeri Taiwan dan Jepun akan menjadi anggota ASEAN.

***5. Puan Hajjah Salmah binti Sheikh Hussain** minta Menteri Buruh dan Tenaga Rakyat menyatakan sama ada beliau sedar bahawa terdapat kilang-kilang per-usahaan dan kedutaan-kedutaan luar negeri di negara ini yang mengambil tindakan disiplin terhadap kakitangan mereka kerana menunaikan sembahyang Jumaat seminggu sekali; jika ya, nyatakan tindakan dan sikap Kerajaan terhadap perkara ini.

***6. Tuan S. Subramaniam** minta Menteri Pelajaran menyatakan tindakan Kerajaan untuk menilai dan mengiktiraf ijazah-ijazah dari universiti-universiti dalam kawasan Asia/Pacific khasnya dari Indonesia, Filipina, Hongkong, India, Pakistan, Sri Lanka, Australia dan New Zealand memandangkan kenaikan kos pelajaran tinggi di Britain.

***7. Tuan Tan Chang Soong** minta Menteri Pertanian menyatakan:

(a) bilangan pukut tarik yang berlesen dalam negara mengikut negeri-negeri dan beratnya mengikut tan;

(b) bilangan pukut tarik yang tidak berlesen di tiap-tiap negeri dan adakah Kementerian mempertimbang mengeluarkan lesen bagi semua pukut tarik yang tidak berlesen.

***8. Haji Tuan Ya'acob bin Haji Engku Yunus** minta Menteri Kebajikan Am menyatakan jumlah pusat pemulihan dadah yang telah didirikan untuk rawatan penagih-penagih dadah.

***9. Tuan K. Kumaran** minta Menteri Pengangkutan menyatakan sama ada beliau sedar bahawa kapulterbang MAS tidak dapat mendarat di lapanganterbang Ipoh pada waktu malam dan jika sedar nyatakan sama ada Kementerian bercadang mclcnngkapkan Lapanuan Terbang itu dcngan kemudahan-kemudahan supaya pesawat MAS dapat mendarat pada waktu malam.

***10. Dato' Haji Mohd. Nor Mohamad** minta Perdana Menteri menyatakan:

- (a) harga sekarang 5 kapal LNG yang ditempah oleh MISC. termasuk harga mcningkat dan faedah;
- (b) tanggal-tanggal kapal-kapal ini siap dibina dan akan diserahkan;
- (c) sama ada kapal-kapal yang sudah diserahkan akan disewakan sebelum siap projek Bintulu; dan
- (d) sama ada kapul-kapal ini sudah usang disebabkan tcknologi baru yang Mch mengadakan muatan dcngan ukuran badan kapal yang sama.

***11. Tuan Abdul Razak bin Haji Abu Samah** minta Menteri Luar Negeri menyatakan tindakan yang telah diambil oleh Malaysia tentang perkembangan di Asia Barat di mana pertikaian masih berlaku di Pelastin, pencerobuhan negara Afghanistan dan peperangan Iran/Iraq.

***12. Tun S. I. Rajah** minta Menteri Kerjaraya dan Kemudahan-kemudahan Awam menyatakan sebab-sebabnya raengapa kerja pembtaaan atas Bangunan Mahkamah di Batu Pahat terbengkalai dan jika kerja pmbinaan ini akan diteruskan, bilakah ianya dijangka akan siap.

***13. Tuan V. V. Aboo** minta Menteri Pengangkutan menyatakan sama ada beliau sedar bahawa terdapat kenderaan-kenderaan yang telah diperiksa oleh pihak Jabatan Pengangkutan Jalan dn kemudiannya diperiksa oleh pihak polis pula; jika sedar sila nyatakan siapakah yang sebenarnya yang berhak untuk memeriksa kenderaan-kenderaan di negara ini,

*** 14.Puan Ragayah Ariff** mjnta Menteri Pelajaran menyatakan adakab rancangan Kementerian ini untuk mengadakan bilik perpustakaan yang serba lengkap bagi semua sekolah-sekolah rendah di masa akan datang.

***15. Tuan Haji Ibrahim bin Abdullah** minta Menteri Pertahanan menyatakan langkah-langkah yang telah diambil untuk melengkapkan Tentera Laut dengan kapalterbang untuk mengawal perairan Malaysia dan nyatakan juga langkah-langkah yang telah diambil untuk mendapatkan kerjasama nelayan mengbapuskan kejadian jenayah di kawasan perairan kita.

***16. Tuan Syed Kamarulzaman bin Syed Bahaldin** minta Menteri Pertanian menyatakan prestasi atau kemajuan sekim GERAKTANI yang telah dilancarkan kira-kira dua tahun dahulu.

***17. Tuan M. Mahalingam** minta Menteri Kewangan menyatakan adakah Menteri akan menimbang untuk menaikkan kadar faedah 61/2% sekarang bagi simpanan di Bank Simpanan Nasional kepada kadar yang lebih tinggi untuk menarik lebih ramai lagi penyimpan-penyimpan.

***18. Tuan Abdullah bin Salleh** minta Menteri Luar Negeri menyatakan apakah sikap 38 buah negara-negara Islam yang telah berikrar untuk nielancarkan jihad bagi mendapat kembali Baitul-Muqadis dengan memberi amaran kepada Perdana Menteri Israel.

*19. **Tuan Haji Abdul Hamid bin Tahir** minta Menteri Pelajaran menyatakan jumlah bilangan institusi pelajaran yang sudah dibina dalam negara ini sejak negara mencapai kemerdekaan dengan memberikan angka pecahan seperti berikut:

- (a) sekolah rendah;
- (b) sekolah menengah;
- (c) maktab; dan
- (d) universiti.

*20. **Tuan Ishak bin Abdul Rahman** minta Menteri Kerjaraya dan Kemudahan-kemudahan Awam menyatakan:

- (a) berapa peratuskah penglibatan Bumiputra dalam pembinaan jambatan Pulau Pinang ke Tanah Besar; dan
- (b) apakah jenis projek yang diperuntukkan kepada Bumiputra.

*21. **Dato' G. Pasamanickam** minta Menteri Pelajaran menyatakan sama ada Kementerianya bercadang untuk mewajibkan kelulusan dalam mata pelajaran Bahasa Inggeris di kesemua peringkat sekolah dan sama ada Kementerian bersedia mengadakan latihan bagi guru-guru untuk memperbaiki mutu Bahasa Inggeris mereka.

*22. **Datuk Hajjah Fatimah binti Haji Salim** minta Menteri Kewangan menyatakan sama ada beliau sedar bahawa peniaga-peniaga Bumiputra mengalami beberapa macam kesulitan untuk mendapatkan kemudahan pinjaman daripada bank-bank dan jika sedar apakah tindakan beliau akan ambil supaya peniaga-peniaga Bumiputra dapat terus mengambil bahagian dalam aktiviti-aktiviti pembangunan negara.

* 23. **Tuan Haji Ariffin Salleh** minta Menteri Perusahaan Awam menyatakan sejauh manakah proses perlaksanaan rancangan untuk memberi lesen atau permit kepada teksi-teksi sapu seperti yang pernah diumumkan, serta syarat-syaratnya; bilakah perkara ini dapat disempurnakan dan bagaimana pula sambutannya dari para pemandu teksi-teksi sapu itu sendiri.

*24. **Tuan Syed Kamarulzaman bin Syed Bahaldin** minta Menteri Perusahaan Awam menyatakan sama ada UDA, dalam perlaksanaan dasar penyusunan semula masyarakat, akan membantu menjalankan fungsi penyusunan kawasan-kawasan setinggan di bandar-bandar khususnya di Wilayah Persekutuan dan kawasan-kawasan sekitarnya.

*25. **Tuan Alexander Lee** minta Menteri Pelajaran menyatakan apakah langkah-langkah yang akan diambil oleh Kerajaan untuk menggalakkan penubuhan politeknik-poiiteknik persendirian. Apakah galakan-galakan yang akan diberikan oleh Kerajaan kepada sektor swasta untuk melatih peniaga-peniaga dan juruteknik-juruteknik.

*26. **Tuan Ismail bin Hashim** minta Menteri Perumahan dan Kerajaan Tempatan menyatakan berapa banyakkah Pelan Induk yang telah disiapkan dan yang masih dalam persiapan bagi Pusat-pusat Bandar di Semenanjung, Sabah dan Sarawak.

*27. **Tuan Tan Chang Soong** minta Menteri Pelajaran menyatakan bilangan biasiswa-biasiswa dan bantuan-bantuan lain untuk' pelajaran bagi penuntut-penuntut yang sedang belajar di luar negeri. Apakah jenis pelajaran yang diikuti yang membolehkan mereka mendapatkannya dan berapa bilangan penerima-penerima biasiswa ini mengikut kaum.

*25. **Tuan K. Kumaran** minta Menteri Pengangkutan menyatakan sama ada Kerajaan bercadang membina satu lapangan terbang baharu di Ipoh dan jika ya, nyatakan bila lapangan terbang itu dijangka siap dibina.

*29. **Tuan Abdul Razak bin Haji Abu Samah** minta Menteri Hal Ehwal Dalam Negeri menyatakan keputusan kajian yang telah dijalankan oleh UNESCO mengenai penyalahgunaan dadah di Malaysia.

*30. **Tuan V. V. Aboo** minta Menteri Pelajaran menyatakan sama ada dengan terlaksananya sistem "3M" iaitu membaca, menulis dan mengira menjelang tahun 1983, akan memperbaiki mutu pendidikan di peringkat sekolah rendah dan apakah akan jadi kepada sistem kurikulum yang ada sekarang.

*31. **Tuan Haji Ibrahim bin Abdullah** minta Menteri Pertahanan menyatakan selain daripada latihan perang "Gonzales" yang telah diadakan sama ada Kerajaan ada membuat rancangan lain untuk memberi latihan khas di dalam bidang ketenteraan kepada angkatan tentera kita untuk meningkatkan lagi mutu perkhidmatan mereka untuk menghadapi sebarang cabaran pada masa akan datang.

*32. **Dr Choo Kooi Fook** minta Perdana Menteri menyatakan peratusan rakyat di Semenanjung Malaysia yang duduk dalam kawasan bandar dalam tahun 1970 dan peratusannya dalam tahun 1980 dan nyatakan juga tindakan positif yang akan diambil untuk mengawal penghijrahan rakyat desa ke bandar ini.

*33. **Tuan Ishak bin Abdul Rahman** minta Perdana Menteri menyatakan sama ada Kerajaan akan mendirikan bangunan Mahkamah Rendah baharu di Bukit Mertajam dan Butterworth.

*34. **Tuan Ismail bin Hashim** minta Menteri Perumahan dan Kerajaan Tempatan menyatakan apakah rancangan yang tertentu diusahakan oleh Lembaga Perumahan Negara untuk Kerajaan-kerajaan Negeri.

*35. **Tuan Ishak bin Abdul Rahman** minta Menteri Wilayah Persekutuan menyatakan bilangan orang ramai yang telah ditangkap dan didenda bersabit dengan kesalahan membuat kekotoran dalam kawasan Bandaraya Kuala Lumpur—menurut tahun-tahun 1978, 1979 dan 1980.

ATURAN URUSAN MESYUARAT DAN PEMBERITAHU USUL

1. Usul dibuat oleh Dato' Haji Mustapha bin Haji Abdul Jabar dan Masalah dicadangkan:-

Bahawa suatu Ucapan yang tidak sepertinya dipersembahkan kepada Kebawah Duli Yang Maha Mulia Seri Paduka Baginda Yang di-Pertuan Agong demikian bunyinya-

"Ampun Tuanku,

Patek, Yang di-Pertua dan Ahli-ahli Dewan Negara Malaysia di dalam Persidangan Parlimen, memohon ampun mempersembahkan suatu ucapan yang zalil daripada Majlis Dewan Negara mengucapkan berbanyak-banyak syukur dan menjunjung kasih Kebawah Duli kerana Titah Ucapan Kebawah Duli pada masa membuka Penggal Ketiga Parlimen Yang Kelima."

Menyambung semula Perbahasan Atas Masalah (13hb April, 1981)

RISALAT-RISALAT YANG DIBAWA
KE DALAM MESYUARAT

1281

Tarikh dibentangkan

ST. 37	Laporan Tahunan Bank Negara Malaysia 1980.	14hb. April, 1981.
ST. 39	Laporan Tahunan dan Penyata Kira-kira UDA 1978	14hb. April, 1981.
CMD. 3	Anggaran Pembangunan (Tambahan) (Bil.3) Tahun 1980. - Penyata ini telah diluluskan oleh Dewan Rakyat pada 9hb. April, 1981.	13hb. April, 1981.
CMD. 4	Anggaran Pembangunan (Tambahan) (Bil.1) Tahun 1981 - Penyata ini telah diluluskan oleh Dewan Rakyat pada 9hb. April, 1981.	13hb. April, 1981.

K.